


PORTOFOL MIKS

mundëson një balancë midis riskut dhe përfitimit

DIVERSIFIKIM I INVESTIMEVE

për fondet në monedhë të huaj

TREGJE NDËRKOMBËTARE

Pjesëmarrje në tregjet e huaja të aksioneve/ obligacioneve

RAIFFEISEN MIKS

Jepi larmi investimit tënd

Raport Mujor Mars 2026

Informacion bazë

Emri i Fondit	Raiffeisen MIKS
Administrimi i Fondit	Raiffeisen Invest sh.a
Monedha	Euro
Datë Lancimi	16 Nëntor 2020
Vlera fillestare e kuotës	100
Shuma minimale e investimit	500 Euro
Vlera neto e Aseteve	EUR 4,241,815
Cmimi i kuotës	109.5363
Banka depozitare	Banka e Pare e Investimit, Albania
Banka nëndepozitare	Raiffeisen Bank International, Austria
Numri i Investitorëve	125
Kthimi vjetor nga investimi në 31 Mars 2026	+4.32%

Komisione dhe Tarifa

Tarifë në hyrje	0.00%
Tarifë në dalje	0.00%
Tarifë administrimi vjetore	Deri në 1.30%
Tarifa te tjera te vazhdueshme	Kalkulohen ne fund te vitit kalendarik dhe perfshijne tarifën e paguar ndaj bankes depozitare, auditorit të jashtëm, autoritetit rregullator apo kostot për komunikimin e ndryshimeve në prospekt.
Komisione/tarifa të vazhdueshme	1.52% per vitin 2025 ne 31.12.2025
Komisione të transfertës nga shlyerja e kuotave	Referojuni informacionit ne deget e RBAL
Kosto të transaksioneve	Sipas kushteve të punës të palëve ndërmjetësuese

Objektivi dhe Politika e investimit

Objektivi i investimit të Fondit është krijimi i të ardhurave të rregullta dhe një rritje e moderuar e kapitalit në një periudhë afatmesme. Asetet e fondit investohen në instrumente financiare që i përkasin tre kategorive kryesore të asetëve: Tituj borxhi, Aksione, Tregu i parasë dhe ekuivalentë cash-i. Në mënyrë që të arrihet qëllimi i investimit, fondi investon deri në 75% të totalit të asetëve në Tituj borxhi, të cilat emetohen nga Qeveria e Republikës së Shqipërisë, një vend i BE-së apo çdo shtet tjetër i miratuar nga rregullatori vendas, nga institucionet ndërkombëtare

dhe / ose shoqëri tregtare. Për më tepër, për të maksimizuar kthimin total nga investimi, fondi mund të investojë deri në 40% të asetëve në aksione, kryesisht të tregtuar në tregjet e zhvilluara në SH.B.A. dhe Europë. Nëse do të përdoren instrumente financiare derivative, qëllimi do të jetëz butja e risqeve dhe arritja e objektivave të politikës së investimit, por faktorë të tillë si likuiditeti i instrumentit tek i cili mbështetet derivativi dhe luhatshmëria e vlerës së tij mund të ndikojnë në performancën e fondit.


Profili i Riskut dhe Përfitimit

Risk i ulët

Përfitimet tipike më të ulëta

Risk i lartë

Përfitimet tipike më të larta




Profili i parashikuar i riskut të Fondit Raiffeisen Miks i përket kategorisë së katërt të treguesit të riskut sintetik dhe përfitimit.

Treguesi i riskut dhe përfitimit korrespondon me një numër të plotë i cili përdoret për të renditur fondin në një nivel risku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa risk.

Ky tregues ka për qëllim t'ju informojë mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e riskut në të ardhmen.

Struktura e Portofolit të Investimit




Portofoli i fondit Miks është i ndërtuar në një mënyrë të tillë që të përfitojë nga investimi dhe diversifikimi në të dy kategoritë e asetëve siç janë obligacionet dhe aksionet. Obligacionet janë të investuara 31.8% në tituj borxhi dhe fonde investimi me kthim të lartë (high-yield), ku 29.2% i përket titujve të Qeverisë Shqiptare, si dhe 31.4% në obligacione dhe fonde investimi me vlerësim të lartë (investment-grade). Pjesa e aksioneve (33.3%) është e investuar në tregje të zhvilluara: SHBA 17.8%; Zona Euro 8.4%, Britani e Madhe 1.7% dhe Japoni 4.2% e asetëve totale. Niveli i cash dhe i likuiditetit është rritur në 3.5% në fund të muajit mars.

Performanca e fondit


Fondi ka shënuar një ecuri negative mujore prej **-3.99%** gjatë muajit mars. Obligacionet globale pësuan rënie, pasi rritja e çmimeve të energjisë shtyu më lart pritshmëritë për inflacionin dhe detyroi investitorët të rishikojnë perspektivën e normave të interesit në nivel global. Tregjet globale të aksioneve ranë ndjeshëm në mars, me Azinë dhe Europën që udhëhoqën këtë rënie pas një fillimi viti tejet premtues. Performanca e tregjeve financiare pati një ndikim negativ në portofolin e investimeve të fondit

Raiffeisen Miks, i cili shënoi humbje gjatë muajit. Yield-i mesatar i portofolit të investimeve të fondit është 3.68% për një kohëzgjatje mesatare prej 3.32 vjet më 31 mars. **Kthimi neto vjetor i fondit është +4.32% më 31 mars 2026.**



Ne dt 31 mars 2026	1 Vit	2 Vite	3 Vite	5 Vite	Nga lancimi (16 Dhjetor 2020)
Return in % p.a. for the period	+4.32%	+3.91%	5.67%	1.75%	+1.74%

Kthimi Neto i fondit Raiffeisen Miks per çdo vit



Duhet patur parasysh se norma e kthimit ndryshon në varesi të kushteve të tregut dhe çmimi i kuotës mund të jetë i luhatshëm, pra nuk është statik apo gjithmonë në rritje, por edhe mund të bjerë si pasojë e ndryshimeve të kushteve në treg. Lulahshmëria është pjesë e natyrshme e fondeve të investimit dhe eliminimi total i saj është i pamundur.

Investitorët e fondit Raiffeisen Miks dhe të gjithë fondeve të administruara nga Raiffeisen Invest keshillohen të kenë një horizont sa më të gjatë investimi për të përfituar një kthim optimal nga investimi dhe në këtë mënyrë në periudhë afatmesme apo afatgjatë të kenë mundësi të rikuperojnë edhe efektet negative të krijuara afatshkurter.

Investitorët inkurajohen që të ruajnë investimin e tyre duke mos ndryshuar objektivin e qëndrimit në fond të nxitur nga situatat jo të zakonshme të krijuara përkoheishtë në tregjet financiare, sepse në këtë mënyrë nuk do të riskojnë të dalin nga fondi në

momentin e gabuar për investimin e tyre.

Zhvillimet dhe informacion mbi ecurinë e tregjeve financiare gjatë muajit Mars

Çmimet e konsumit në Eurozonë u rritën me 2.5% në baza vjetore, për muajin mars. Diferenca me nivelin 1.9% të shkurtit ishte e lartë, pasi ndikimi i luftës me Iranin çoi në rritjen e çmimeve të energjisë. Rezultati ishte pak më i ulët se pritshmëritë e tregut, por dukshëm mbi objektivin afatmesëm të Bankës Qendrore Europiane prej 2%. Inflacioni bazë rezultoi në nivelin 2.3% në mars, në rënie nga niveli 2.4% i shkurtit dhe në përputhje me pritshmëritë. Kjo sugjeron se rritja e inflacionit vjen kryesisht nga çmimet më të larta të naftës.

Indeksi i çmimeve të konsumit në SHBA për muajin shkurt u rrit me 0.3% në baza mujore, duke e çuar inflacionin vjetor në nivelin 2.4%. Të dyja këto shifra ishin në përputhje me parashikimet. Duke përjashtuar ushqimet dhe energjinë, inflacioni bazë shënoi një rritje mujore prej 0.2% dhe një normë vjetore prej 2.5%, gjithashtu në linjë me pritshmëritë. Normat vjetore mbetën të pandryshuara nga janari, duke treguar se inflacioni po qëndron mbi objektivin prej 2% të Rezervës Federale, por pa u përkeqësuar.

Rezerva Federale dhe Banka Qendrore Europiane i lanë normat e interesit të pandryshuara në muajin mars, por u shfaqën të kujdesshme ndaj rreziqeve inflacioniste, si pasojë e rritjes së çmimeve të energjisë. Pritshmëritë afatshkurtra të inflacionit u rritën, veçanërisht në Europë, ndërsa perspektiva afatmesme mbeti më e paqartë. Tregjet monetare tashmë nuk parashikojnë më ulje normash në SHBA, ndërsa presin rritje të normave në Europë gjatë këtij viti. Parashikohen dy deri në tre rritje prej 0.25 përqind në vitin 2026, dhe lëvizja e parë mund të ndodhë që në qershor.

Muaji mars shënoi një përshkallëzim të ndjeshëm të tensioneve në Lindjen e Mesme: objekte të rëndësishme energjetike dhe qendra logjistike u sulmuan në të gjithë rajonin. Ngushtica e Hormuzit, një pikë kyçe për energjinë globale, që zakonisht përfaqëson rreth një të pestën e konsumit ditor botëror të naftës, mbeti praktikisht e mbyllur, duke sjellë rritje të konsiderueshme të çmimeve të energjisë. Çmimi i naftës u rrit më shumë se 60%, duke arritur pranë 120 dollarë për fuçi, ndërsa indeksi i dollarit amerikan u forcua kundrejt monedhave globale, i mbështetur nga kërkesa për instrumente të shkurtra.

Obligacionet qeveritare globale pësuan rënie, pasi rritja e çmimeve të energjisë shtyu më lart pritshmëritë për inflacionin dhe detyroi investitorët të rishikojnë perspektivën e normave të interesit në nivel global. Obligacionet e korporatave globale gjithashtu ranë, ndërsa spread-et u zgjeruan për shkak të uljes së motivimit për të ndërmarrë risk.

Tregjet globale të aksioneve pësuan rënie të ndjeshme në mars, me Azinë dhe Europën që udhëhoqën këtë rënie pas një fillimi viti tejet premtues. Sektori i energjisë ishte i vetmi që spikati pozitivisht falë rritjes së çmimeve të naftës, ndërsa sektorët e tjerë ranë në mënyrë të konsiderueshme. Gjithsesi, lajmet e ditëve përmyllëse të marsit shtuan pritshmëritë për një përfundim të afërt të konfliktit me Iranin. Optimizmi që u pasqyrua në tregje gjatë ditës së fundit të tregtimit për muajin, ndihmoi edhe në rritjen e performancës relative të aksioneve amerikane kundrejt tregjeve të tjera.

Të dhënat e kthimit nga investimi në të shkuarën janë vetëm ilustrative dhe nuk përfaqësojnë një premtim apo garanci për kthimin në të ardhmen. Të gjithë shembujt e tjerë numerikë janë përdorur për qëllime ilustrative dhe analize të të dhënave historike, dhe nuk duhen përdorur nga investitorët për të nxjerrë konkluzione për të ardhmen.

Investitorët e mundshëm duhet të lexojnë Prospektin dhe Rregullat e Fondit. Raiffeisen Invest dhe forca shitëse e fondit nuk garantojnë një kthim të caktuar të fondit.

Informacioni mbi çmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen Invest sha., në web site www.raiffeisen-invest.al ose në degët e Raiffeisen Bank në Shqipëri.